

kóng, “Góa tī gōa-bīn khòaⁿ lí teh khùn, siūⁿ-kóng taⁿ pau-ún hāi..ah! Bē-hiáu siá phak teh khùn! Chit-siaⁿ tiāⁿ-tiōh sī ah-ñng khian kòe khe, khòaⁿ-phòa--lah!” Bô phah-sìng Babuza chhìn-chhái khó, o-pèh siá koh khó ē tiâu!!

Àu-hì thoa-pêⁿ, kàu chit-má chiah beh kóng-tiōh chû-tê: Nā-sī hit-ê Tiong-kok-gí, he tiōh ū-iáⁿ ū kàu hêng-gék! It-poaⁿ chhì-tê iáu ke-kiám ē-hiáu, tók-tók sī chok-bûn, chhut chit-ê “in niâ khah hó” ê sím-mih “我的嗜好”! Babuza Hán-jī chóng-a-kiōng mā chiah bat kúi jī nā-tiāⁿ! Chhut chit-ê “嗜好” tâu-té sī sím-mih óaⁿ-ko? Láu-sít kóng, chit-jī “嗜”Babuza kin-pún tiōh m̄-bat khòaⁿ--kòe! Sím-mih ì-sù beh ná-ē chai? Babuza mā-sī kàu chit-má chiah chai-iáⁿ Tâi-gí beh án-chóaⁿ thák! Tâi-gí thák-chò “sī”, piáu-sī “ài, ài chiáh, hoaⁿ-hí “ ê ì-sù. M̄-kú tng-sī kin-pún m̄-chai chit-kho ō-á han-chî ! Babuza kan-ta chai-iáⁿ 好 ū 2 chióng ì-sù:kap bái tò-péng sī hó; koh chit-ê sī ài, kah-ì. Babuza sim-koaⁿ liáh thán-hôaiⁿ, chhân-chhân tâu-koaⁿ kā chhiat gō-kak, kā tòng-chò kah-ì ê ì-sù chiū tōa-tōa pān kā siá--lóh--khì! Tī chhù-lái chhī péh-niáu-chhí, chhī hún-chiáu, chhī thò-á, chhī niû-á, ka niáu-chhí-á bóe-liu, sín gò-chú ang-á, tèng kan-lòk, i ang-á-phiau, tiak chin-chu-á, pòah phé-sî, phah chiáu-á, tèng tang tèng sai... Hit-tang-chūn gín-á-lâng ê

pō-sò lóng-chóng mā chiah hiah-ê nā-tiāⁿ! Kán-tan láu-sít kā siá siá --chhut--lâi. Put-kóan i sam-chhit jī-cháp-it tiōh kā kau--chhut--khì. Ôan-sêng i jîn-seng ê thâu-chit-pái ê seng-hák khó-chhì!

Chiū-sī án-ne Babuza hô-lí hô-tô bong-tiōh chit-keng chhø-tiong thang thák! I ê sêng-chek sī 152.8 hun. Liók-chhú jit-kan-pō! Hit keng hák-hāu kiò-chò Tâi-pak Kōan-lip Sam-tiōng Chhø-kip Tiong-hák(台北縣立三重初級中學).

Sòr-jī ê bî-chhai

Ng Chin-kiù, Ottawa

♪ 4 kha lóh tē 8 kha kiu,
3 thiô (thâu) 6 hīⁿ, 5 bák-chiu.
Ioh chit-ê chêng-hêng.

(Tap) Chit-ê tòk-gán lâng kap i ê péng-iú teh kng chit-chiah ti.

♪ Gín-á tī o-pang téng ôe chit-chiah
káu-á, teng-bin hē 13 khø, ioh tiōh ê lâng ê-sái
thêh hit 13 khø chò pò-siúⁿ.
Ioh Tiong-kok lèk-sú siōng chit-ê chhut-miâ ê chiong-kun.

(Tap) Chhit káu lâk 13, Lâu-pang.